

Robinson: «Moskurena da Txetxeniako sarraskien ardura»

Putinek uko egin dio Giza Eskubideentzako NBEko goi komisarioarekin hitz egiteari

Agentziak / Mosku

Giza Eskubideentzako Nazio Batuen Erakundeko goi-komisario Mary Robinsonek, ahoan bilorik gabe, aditzerat eman zuen atzo agintari errusiarrek daukatela Txetxenian azken sei hilabeteotan gertatutako izugarrikerien ardura osoa. Robinson Txetxenian egiten ari den ikuskaldia nahiko iskanbilatsua bihurtu da, errusiarrek oso gaizki hartu baitzituzten haren orain arteko adierazpenak. Beraz, ez da batere harritzekoa izan Errusiako presidente Vladimir Putinek NBEko goi kargudunarekin hitzordurik ez izatea.

AZKEN 6 HILABETEOTAN, Txetxenian gertatutako izugarrikerien eta Grozniren suntsiketaren erantzukizun osoa daukate agintari errusiarrek deplauki, adierazi zuen atzo Giza Eskubideentzako NBEko goi komisario Mary Robinsonek Moskura itzuli orduko. Hitz gogor hauek aditzerat emanda, Robinsonek azpimarratu zuen Errusiak garrantzia handia daukala NBEn eta nazioarteko beste erakudeetan eta horrela, guztien

aurrean hartutako konpromisoak bete egin behar dituela nahitaez.

Hortaz ere, Mary Robinsonek ikerketa serioa eta sakona exiju zion Moskuri Txetxenian gertatutako giza eskubideen bortxatze kasu guztiez. Hori egingo dutela eta errudunak epaituko eta zigortuko dituztela espero duela erran zuen azkenik Robinsonek.

Haatik, ez dago horretarako itxurarik, oraingoz behintzat, Moskuko agintarien artean eta beste frogat bat

emana izan zen atzo, Mary Robinson Errusiatik alde egiterat abiatzen zelarik Vladimir Putin presidentearekin hitz egiterik izan gabe.

Txetxeniako kontuaz Errusiako presidentearen aholkuari berezi Sergei Jastrjembsskik azaldu zenez atzo arratsaldean, «nik dakidanez behintzat, Putin presidentearen hitzorduen artean ez dago Mary Robinsonekin egitekorik».

Azken gertaera honen aurretik ere, dena den, goi komisarioak Errusian eta

Txetxenian zehar egindako ikuskaldia iskanbilatsua izan zen.

Errusia auzitan Estrasburgon

Igandean ez zioten errusiarrek Robinsoni baimenik eman PAP-1 eta Pap-5 izeneko Amnsty International erakundeak identifikatutako atxiloteta zentroen bisitatze-ko. Are gehiago, Vaja Ibragimov jeneralak ziurtatu zion Robinsoni bi erretentzio esparru hauek ez direla gaur

egun irekiak, zeren eta 1994-1996. urteen arteko Txetxeniako lehen gerra amaitu zenetik baitaude itxiak. Robinsonek, antza, ez zion Ibragimovi gehiegi sinetsi eta berretsi zion, «argi dago giza-eskubideak bortxatzeari dagokionean arazo oso larriak daudela, errusiar soldadu jantzitz dauden pertsonengandik edo milizia zein unitate berezi zenbaiten eskutik».

Robinsonek ironiaz hartu zituen, halaber, bere ikuskaldiaren egitarau normala eragotzi zioten eguraldi baldintza txarrak eta segurtasunagatik jarri zizkioten aitzakiak.

Ez da batere ziur, ordea, Europako Kontseiluaren Asanblea Parlamentarioak (PACE) umorez hartuko duen Mary Robinsoni Errusian egin dioten harrera txarra.

Izan ere, Europako 44 herriren ordezkariak hartzen dituen erakunde hau atzotik bilduta dago Estrasburgon eta, iragan urtarrian izan zuen bezala, bere eztabaidagai nagusia izango da Errusia PACetik kanotu egingo den ala ez Txetxeniako gerraren izugarrikerien-gatik.

Atzo behintzat, Errusiako 24 ordezkari bileran zeuden, hauen buru zelarik Igorvanov Atzerri ministroa. Bilera hasi aurretik, Ivanovek adierazi zuenez, «espero dut, iritzi ezberdinen arteko eztabaida zintzo bat egongo denik eta errusiar ordezkariak prest dago argibideak oro emateko Ipa Kaukason egondako gertakari guztiez eta Moskuk hartutako neurriez».



Mary Robinson Nazio Batuetako Giza Eskubideentzako komisarioa, Staropromislov atxiloteta zentruan, igandean.

"Aita David pandaren erreinuan"

Kepa Altonaga

Elhuyar-en lankidetzarekin

Kepa Altonaga, malakologo, zientzi dibulgatzaile eta Euskal Herriko Unibertsitatean Zientzia Biologikoetako Doktore denak, gaur, **Apirilak 4, asteartean**, hitzaldi bat emango du izenburu honen pean: **"Aita David pandaren erreinuan", 19,30etan, Donostiako Andia kaleko kutxaren Hitzaldi-Aretoan.**



kutxa

miramon